



Bernameya teknîkê

KURMANJI

**Bernameya teknîkê
bernameyeka amedekirinê
ji bo xwendina bilind e û
bidestxistina dîplomeya
amadebûna ji bo xwendina
bilind armanca wê ye.**

Bernameya teknîkê ji te re ye yê ku hez dike di warê teknîk û prosesên teknîkî de kar bike. Ev xwendin ji bo domkirina xwendina teknîk û siruştanasiyê/xwezanasiyê di perwerdeya bilind de bingeh e. Tu dê şertên xwendina bilind ji bo warên zêdetir jî bi dest bixî.

PÊNC PISPORIYÊN CUDA

Nexşsazî û pêşxistina berheman

- Tu dê zanyariyan li ser nexşsazî û pêşxistina berheman werbigirî. Giringî dê li ser nexşsazî û avakirina bi rêya komputerê be.

Teknîka înforsiyon û wesîleyan

- Tu dê zanyariyan li ser teknîka ji bo înforsiyon, komunikasyon û wesîleyên cuda wek komunikasyonê bi rêya komputeran, bernamekirin, wesîleyên dijîtal û pêşxistina înternetê werbigirî.

Teknîka berhemsaziyê

- Tu dê zanyariyan li ser berhemsazî û şîrketkariyê wek otomatîkkirin û kontrolkirina xetên berhemsaziyê werbigirî.

Civakavakirin û jîngeh

- Tu dê zanyariyan li ser civakavakirin, jîngeh û avahîsaziyê, ku tê de teknîk bi qasî ekolojî, dirûv û aboriyê giring e, werbigirî.

Teknîknasî

- Tu dê zanyariyan li ser metodên karî yê teknîknasiyê û alavên ji bo modelsaziya matematîk, şîbihkarî, kontrolkirin û eyarkirinê werbigirî.

Tiştên ku tu di vê bernamê de fêr dibî

Tu dê zanîna xwe di warê teknîk, fîzîk, kîmya û matematîkê, ku giringî li ser prosesên teknîkî be, de pêşde bibî. Tu dê fêr bibî ku gava teknîk pêş dikeve tu hebendiyên di navbera beşên cuda de bibîn û tê bigehî ka çawa pêşketina teknîkê di civakê de rû dide. Tu dê teknîka heyî û pêşketina teknîka nû bixwîn.

Bername weha hatiye rêxistin

Madeyên dersê di bernameya teknîkê de madeyên lîseyê yê hevbeş in: îngilîzî, dîrok, werziş û tenduristî, matematîk, zanist, zanyariyên dînî, zanyariyên civakê û zimanê swêdî yan swêdî wek zimanê duyê. Di bernamyên amadekirina ji bo xwendina bilind de, tu kursên teorîk yê zêdetir ji yê bernameyên pişeyî dixwînî.

Madeyên taybetmend yê hevbeş yê bernameyan ev in: fîzîk, kîmya û teknîk.

Îmkan heye ku tu di bernameyê de xwe pisportir û zanatir bikî. Ji wê re bernamekûrkolîn (programfördjupning). Ev dikare madeyên wek avahîsazî, wêne, biyolojî, zanîna elektrîkê, teknîka ahengan, felsefe, fîzîk, cografiya, dîrok, civaka ava, teknîka tibê, teknîka şebekeyan, perwerdekarî, bernamesazî, psîkolojî, swêdî û teknîka înternetê. Ji xwendîngehê bipirse ka ew kîjan kursên kûrlêkolînê dide.

Hilbijartina ferdî jî heye ku tu dikarî wê ya ku tu dixwazî bixwînî hilbijêrî. Ji xwendîngehê bipirse ka kîjan kurs hene.

Awayên xebatê

Di vê bernameyê de, tu dê bi rexnekirina çavkaniyan li înforsasyonan bigerî û li ser bixebitî. Tu dê hin pirsên pratîk yê ku tu dê bi serê xwe yan bi hevkarî li gel kesên din, pîraniya caran wek projeyekê, bersiv bidî bikî bîngeh. Tu dê şiyana xwe ya pêşxistina çareyên nû û behremend pêşde bibî û bêtir fêrî îmkanan bibî ku şirketeka şexsî bi rê ve bibî.

Tu dê ji bo ku baştir sîstemên teknîkî fehm bikî fêr bibî ku analîzê bikî, modelan saz bikî, şibihsaziyê bikî, minasibiyê hilsengînî, pêşxistinê pêk bînin, hevbendiyê bibînin, encaman derxînin û delîlan pêşkêş bikî.

Projeya lîseyê

Tu dê di dawiya Bernameya teknîkê de projeyeka lîseyê amade bikî. Tu dê pîrsekê hazir bikî û karekê mezin yê ku li ser warên zanyarî yê girîng yê bernameyê ava dibe plan bikî, pêk bînin û hilsengînî.

Balkişandin

Girîng e ku tu xwendina xwe plan bikî heger tu bixwazî şertên taybetî yê xwendîneka bilind bi dest bixî. Heger tu bixwazî hêjî bixwînî, li gel rêberekê xwendin û pişeyê biaxive.

Hergav mafê te heye ku tu di çarçoveya hilbijartina ferdî de kurseka din ya zêde di warê werziş û tenduristiyê de û kurseka hunerê hilbijêrî.